


Est 111

W^o—128



1. S. R. N. Benedicti XIV. Confirmatio et amplificatio Constit. Gregorii XV contra Sacerdotes in confes. Sacramentis. sollicitos. = Hipali = Major = 1742.
2. Provincia de S. M. para librar de Cargas Consuefites à los Syndicos de S. Francisco.
3. Bula de latiniis.
4. Decretum Benedicti XIV. in favorem Ord. S. Francisci
5. Ora del mismo id.
6. Publicacion de las dos bulas anteriores.
7. Libellus à Fr. Eugenio Olazago pro libera facultate à Roma = Salomon = 1740
8. Adicion à la Ordenanza de 6 de Octubre de 1733. de Salud publica.
9. Offenditur aequitas et iustitia Sententia quinque alibine annis, demandato Sanctitatis sue à Rever. Padre Raphael à Laguardia totius Ord. S. M. S. Francisci ~~et aliorum~~ quinquali H. = Roma = 1740
10. Memoria del Procurador general de la Corte Romana de la Religión Nicolao de S. Fran.^{co} Fr. Pedro Juan de Molina contra Fr. Juan de la Torre.
11. Instancia que asiste al R. P. D. Joseph de Laguardia General del S. Fran.^{co} de retencion.
12. Retraccion de Fr. Juan Cumbillas
13. Demonstratio juris quod habet provincia S. M. Conceptionis obiscalecectorum in nova Castellà à Provincia S. Josephi divisà & p.
14. Representacion al Rey de la Ciudad de Avila de la Fortuna de Contribucion es.
15. Contra Repuestas à las Repuestas de Fr. Jacinto Palacios de. potestad del General S. Francisco por Fr. Joaquin Escobar.
16. Decreto de Benedicto XIV in favor de Orden de S. Francisco.



1871 - 1872
The first year of the
1871 - 1872

The first year of the
1871 - 1872
The first year of the
1871 - 1872

The first year of the
1871 - 1872
The first year of the
1871 - 1872

The first year of the
1871 - 1872
The first year of the
1871 - 1872

25

Aplicase ala Sinceria del Colegio de
S.ⁿ Leon de Alcantara de Sevilla -

Alonso de Alcantara
Don Juan



Handwritten text, likely bleed-through from the reverse side of the page. The text is illegible due to fading and blurring.

SANCTISSIMI DOMINI NOSTRI
BENEDICTI
PAPÆ XIV.

CONFIRMATIO , ET AMPLIATIO
CONSTITUTIONIS SAN. MEM.

GREGORII PAPÆ XV.

CONTRA SACERDOTES EORUM POENITEN-
tes in Confessionibus Sacramentalibus ad
turpia sollicitantes.



Reimpress. Hispali, apud Typograph. Major. ejusdem
Civitatis. Anno M. DCC. XLIV.

SACTISSIMI DOMINI NOBIS

BENEDICTI

PAPAE XIV.

CONFIRMATIO ET AMPLIATIO

CONSTITUTIONIS SAN. MEM.

GREGORII PPAE XV.

CONTRA SACRILEGOS FORUM FORNITEN.
tes in Constitutionibus Sacramentalibus ad
eius sollicitudinem.



Printed at the University of Cambridge, Anno 1700.

BENEDICTUS

EPISCOPUS

SERVUS SERVORUM DEI.

AD PERPETUAM REI MEMORIAM.



Acramentum Pœnitentiæ, quam secundam post naufragium deperditæ gratiæ tabulam Sancti Patres apè nuncuparunt, Nos licèt immerentes ad universi Dominici Gregis curam supernâ dispositione vocati omne studium, & Pastoralem sollicitudinem adhibere tenemur, ne quod post amissam Baptismi innocentiam datum est Divinâ benignitate perfugium, per Dæmonum fraudem, & hominûm Dei beneficiis perversè utentium malitiam naufragis, ac miseris peccatoribus luctuosum evadat exitium; & quod in salutem, & curationem Animarum à Deo, qui dives est in misericordia, institutum est, execrabili scelestorum quorundam Sacerdotum improbitate in earum perniciem, atque interitum vertatur.

Dudùm quidem à scel. rec. Gregorio Papa XV. prædecessore nostro, per suas literas in forma Brevis, sub datum Romæ apud S. Mariam Majorem die XXX. Aug. M.DC.XXII. Pontificatûs sui anno secundo, sapientèr provisum fuit contra quoscumque Sacerdotes audiendis Confessionibus deputatos, ad turpia, & inhonesta sollicitantes; & deinceps successivis temporibus ad earum literarum interpretationem, ac declarationem plura subindè à Congregatione Vener. Fratrum nostrorum S. R. E. Cardinalium adversus hæreticam pravitatem Generalium Inquisitorum, sub die XI. mensis Februarii anno Dñi. M.DC.LXI. prodierunt decreta, & à rec. mem. Alexandro PP. VII. patitèr prædecessore nostro in Congregatione Generali Sanctæ Romanæ universalis Inquisitionis, die XXIV. Septemb. M.DC.LXV. coram eo habita, inter alios ab Evangelica veritate, & Sanctorum Patrum doctrinâ alienas, & dissonas propositiones, sexta videlicèt, & septima, huc revocandæ,

damnatæ ; & prohibita fuerunt ; Nos itaque maturè perpendentes quanti momenti sit ad æternam animarum salutem ea ubique exactè observari, & quanti ad infirmas Oves curandas, & decorem S. Ecclesiæ Dei retinendum interfit, ne aliqui Sacerdotes Pœnitentiæ Sacramento nefariè abutentes Pœnitentibus pro curatione vulnus, pro pane lapidem, pro pisce serpentem, pro medicina venenum porrigant, sed animo secum recolentes, se à Christo Domino Præsides, & Judices animarum constitutos, eâ sanctitate, quæ sublimitati, ac dignitati muneris convenit, tam venerandum Sacramentum administrent, motu proprio, & ex certa scientia, ac matura deliberatione nostra præfatas literas hujusmodi, ac omnia, & singula decreta prædicta ad illarum interpretationem, & declarationem emanata Apostolicâ auctoritate tenore præsentium approbamus, & confirmamus, illisque omnibus, & singulis inviolabilis Apostolicæ firmitatis robur adjicimus; atque etiam, quatenus opus sit, denuò committimus, & mandamus omnibus hæreticæ pravitatis Inquisitoribus, & Locorum Ordinariis omnium Regnorum, Provinciæ, Civitatum, Dominiorum, & Locorum universi Orbis Christiani in suis respectivè Diocesis, ut diligentè, omnique humano respectu postposito, inquirent, & procedant contra omnes, & singulos Sacerdotes, tam Sæculares, quàm Regulares quomodolibet exemptos, ac Sedi Apostolicæ immediatè subjectos, quorumcumque Ordinum, Institutum, Societatum, & Congregationum, & cujuscumque Dignitatis, & Præminentie, aut quovis Privilegio, & Indulto munitos, qui aliquem Pœnitentem, quæcumque persona illa sit, vel in actu Sacramentalis Confessionis, vel ante, vel immediatè post Confessionem, vel occasione, aut prætextu Confessionis, vel etiam extra occasionem Confessionis in Confessionali, sive in alio loco ad Confessiones audiendas destinato, aut electo cum simulatione audiendi ibidem Confessionem ad inhonesta, & turpia sollicitare, vel provocare, sive verbis, sive signis, sive nutibus, sive tactu, sive per scripturam, aut tunc, aut post legendam tentaverint, aut cum eis illicitos, & inhonestos sermones, vel tractatus temeratio ausu habuerint; & quos in aliquo ex hujusmodi nefariis excessibus culpabiles repererint, in eos pro criminum qualitate, & circumstantiis severè animadvertant per condignas pœnas juxta memoratam Gregorii prædecessoris nostri Constitutionem, quàm hic de verbo ad verbum pro inserta haberi volumus: Dantes etiam, si opus sit, & rursus concedentes facultatem, ne delictum tam enorme, & Ecclesiæ Dei injuriosum remaneat ob probationum defectum impunitum, jam aliàs præfata Conf-

titutione tributam procedendi cum Testibus etiam singularibus; dummodò præsumptiones, indicia, & alia adminicula concurrant.

Meminerint præterea omnes, & singuli Sacerdotes ad Confessiones audiendas constituti teneri se, ac obligari suos Pœnitentes, quos noverint, fuisse ab aliis, ut supra, sollicitatos sedulò monere juxta occurrentium casuum circumstantias de obligatione denunciandi Inquisitoribus, sive Locorum Ordinariis prædictis personam, quæ sollicitationem commiserit, etiamsi Sacerdos sit, qui jurisdictione ad absolutionem validè impertiendam careat, aut sollicitatio inter Confessarium, & Pœnitentem mutua fuerit, sive sollicitationi Pœnitens consenserit, sive consensum minimè præstiterit, vel longum tempus post ipsam sollicitationem jam effluerit, aut sollicitatio à Confessario, non pro se ipso, sed pro alia persona peracta fuerit. Caveant insuper diligenter Confessarii, nè Pœnitentibus, quos noverint jam ab alio sollicitatos, Sacramentalem absolutionem impertiant, nisi priùs denuntiationem prædictam ad effectum perducentes delinquentem indicaverint competenti Judici, vel saltem se, cum primum poterunt, delaturos spondeant, ac promittant.

Et quoniam improbi quidam homines reperiuntur, qui vel odio, vel irâ, vel aliâ indignâ causâ commoti, vel aliorum impiis suasionibus, aut promissis, aut blanditiis, aut minis, aut alio quovis modo incitati, tremendo Dei judicio posthabito, & Ecclesiæ auctoritate contemptâ, innoxios Sacerdotes apud Ecclesiasticos Judices falsò sollicitationis insimulant: Ut igitur tam nefaria audacia, & tam detestabile facinus metu magnitudinis pœnæ coerceatur, quæcumque persona, quæ execrabili hujusmodi flagitio se inquinaverit, vel per se ipsum innocentes Confessarios impiè calumniando, vel scelestè procurando, ut id ab aliis fiat, à quocumque Sacerdote quovis privilegio, auctoritate, & dignitate munito, præterquam à nobis, nostrisque Successoribus, nisi in fine vitæ, & excepto mortis articulo spe absolutionis obtinendæ, quam nobis, & Successoribus prædictis reservamus, perpetuò careat.

Demùm magnoperè cupientes à Sacerdotalis Judicii, & Sac. Tribunalis sanctitate omnem turpitudinis occasionem, & Sacramentorum contemptum, & Ecclesiæ injuriam longè submovere, & tam exitiosa hujusmodi mala prorsus eliminare, & quantum in Domino possumus, animarum periculis occurrere, quas sacrilegi quidem Dæmonis potius, quàm Dei Ministri, loco eas per Sacramentum Creatori suo, ac nostro reconciliandi, majori peccatorum mole onerantes in profundum iniquitatis barathrum nefariè submergunt, nonnullorum Venerabilium

jium Fratrum nostrorum S. R. E. Cardinalium, & aliquorum in Theologia Magistrorum consilio desuper adhibito, accedentibus quoque iteratis plurium Episcoporum supplicationibus, hac nostrâ in perpetuum valiturâ sanctione, quemadmodum à pluribus Episcopis per Synodales suas Constitutiones jam factum esse novimus, omnibus, & singulis Sacerdotibus, tam Sæcularibus, quàm Regularibus cujuscunque Ordinis, ac Dignitatis, tametsi alioquin ad Confessiones excipiendas approbatis, & quovis Privilegio, & Indulto, etiam speciali expressione, & specialissima nota, & mentione digno suffultis, auctoritate Apostolicâ, & nostrâ Potestatis plenitudine interdiciamus, & prohibemus, ne aliquis eorum extra casum extremæ necessitatis, nimirum in ipsius mortis articulo, & deficiente tunc quocumque alio Sacerdote, qui Confessarii munus obire possit, Confessionem Sacramentalem personæ complicitis in peccato turpi, atque inhonesto contra sextum Decalogi Præceptum commissio excipere audeat, sublatâ propterea illi ipso jure quacumque auctoritate, & jurisdictione ad qualemcunque personam ab hujusmodi culpa absolvendam, adeo quidem, ut absolutio, si quam impertierit, nulla, atque irrita omninò sit, tamquam impertita à Sacerdote, qui jurisdictione, ac facultate ad validè absolvendum necessariâ privatus existit, quam ei per præsentis has nostras adimere intendimus; & nihilominus si quis Confessarius secus facere ausus fuerit, majoris quoque excommunicationis poenam, à qua absolvi potestatem nobis solis, nostrisque Successoribus dumtaxat reservamus, ipso facto incurrat: Declarantes etiam, & decernentes, quod nec etiam in vim cujuscunque Jubilæi, aut etiam Bullæ, quæ appellatur Cruciatæ Sanctæ, aut alterius cujuslibet Indulti Confessionem dicti complicitis hujusmodi quisquam valeat excipere, eique Sacramentalem absolutionem elargiri, cum ad hunc effectum, & in hoc casu nullus Confessarius, utpotè qui in hujusmodi peccati, & Poenitentis genere jurisdictione, ut præfertur, careat, & absolviendi facultate à nobis privatus existat, habendus sit pro Confessario legitimo, & approbato. Non obstantibus Constitutionibus, & Ordinationibus Apostolicis, præsertim, quæ nuncupantur Cruciatæ Sanctæ, vel Jubilæi Universalis, & plenarii, necnon quibusvis Ecclesiarum, & Monasteriorum, & Ordinum quorumlibet, quorum ipsi Sacerdotes fuerint, etiam juramento, confirmatione Apostolicâ, vel quavis firmitate, aliâ roboratis, Statutis, & Consuetudinibus, Privilegiis quoque, Indultis, & Literis Apostolicis sub quibuscumque tenoribus, & formis, ac cum quibusvis clausulis, & decretis, etiam motu proprio, aut aliâ quomodolibet concessis, etiam iteratis vicibus approbatis, &

inno:

innovatis; quibus omnibus eorum tenores præsentibus pro expressis habentes hac vice dumtaxat specialiter, & expresse derogamus, ceterisque contrariis quibuscumque.

Volumus demum, ac præcipimus, ut omnes Locorum Ordinarii, tam præsentibus, quam futuri pro tempore existentes in approbatione Confessariorum tam prædictam Constitutionem Gregorii Prædecessoris, quam præsentem hanc nostram ab omnibus Sacerdotibus approbandis attentè legi, & accuratè observari curent, moneantque eos in Domino, atque hortentur, ut Sacrum Ministerium ipsorum fideicommissum summâ animi innocentia, morum puritate, judicii integritate peragant, exhibeantque semetipsos, ut Ministros Christi, & Dispensatores Mysteriorum Dei; memores præterea sint, se locum tenere, ac vices obire Summi, atque æterni Sacerdotis, qui Sanctus, innocens, impollutus, per Spiritum Sanctum semetipsum obtulit immaculatum Deo, ut emundaret conscientiam nostram ab operibus mortuis ad serviendum Deo viventi: Sedulo igitur studeant, diligenterque caveant, ne quærentibus, & pulsantibus eorum culpâ Cælum claudatur, nè deperditæ Oves ad Ovile Dominicum redire properantes eorum manibus ferarum dentibus dilaniandæ tradantur, nè prodigi Filii egentes, & saucii, ad cœlestem Patrem revertentes nefariâ eorum improbitate gravioribus peccatorum vulneribus, dum adhuc in via sunt, confodiantur,

Ut autem præsentibus Literæ ad omnium notitiam facilius deveniant, & nemo illarum ignorantiam allégare valeat, volumus illas, seu earum exempla ad valvas Ecclesiæ Lateranensis, & Basilicæ Principis Apostolorum, necnon Cancellariæ Apostolicæ, Curiaque Generalis in Monte Citatorio, ac in Acie Campi Flore de Urbe, ut moris est, affigi, & publicari, sicque publicatas, & affixas omnes, & singulos, quos illæ concernunt, perindè arctare, & afficere, ac si unicuique eorum nominatim, & personalitè intimatæ fuissent: utque ipsarum præsentium Literarum transumptis, seu exemplis, etiam impressis, manu alicujus Notarii publici subscriptis, & sigillo alicujus Personæ in Ecclesiastica Dignitate constitutæ munitis, eadem prorsus fides tam in judicio, quam extra illud, ubique adhibeatur, quæ ipsis præsentibus adhiberetur, si forent exhibitæ, vel ostensæ.

Nulli ergo omnino hominum liceat paginam hanc nostræ voluntatis, sanctionis, præcepti, mandati, & derogationis infringere, vel ei ausu temerario contraire. Si quis autem hoc attentare præsumpserit, indignationem Omnipotentis Dei, ac Beatorum Petri, & Pauli Apostolorum ejus se noverit incursum. Datum Romæ apud Sanctam Mariam

Mariam Majorem anno Incarnationis Dominicæ millesimo septingentesimo quadagesimo primo Kal. Junii. Pontificatus nostri anno primo.

VISA DE CURIA

N. Antonellus.

X. Sub-Datarius.
Pro D. Card. Passioneo
Cajetanus Amatus.

J. B. Eugenius.

Loco ✕ Plumbi.

Registrata in Secretaria Brevium.

Anno à Nativitate Domini Nostri JESU-CHRISTI millesimo septingentesimo quadagesimo primo, Indictione quarta, die verò decimasextima Junii, Pontificatus Sanctissimi in Christo Patris, & Domini Nostri Domini BENEDICTI, Divina Providentia Papæ XIV. Anno primo, supradicta Constitutio affixa, & publicata fuit ad valvas Basilicæ Lateranensis, & Principis Apostolorum, Cancellariæ Apostolicæ, Curia Generalis in Monte Citatorio, in Acie Campi Floræ, ac in aliis Locis solitis, & consuetis Urbis per me Petrum Righum Apost. Curs.

Sebastianus Amadori Mag. Curs.